



UNIVERSITÄTS-
BIBLIOTHEK
PADERBORN

**Auctarium. Sive Additiones Ad Viri Clarissimi Henr. Zoesii
J.V.D. Universum Jus Canonicum**

**Geismar, Justus Moritz von
Coloniæ Agrippinæ, 1691**

Ad tit. XXIV. de donationib.

[urn:nbn:de:hbz:466:1-62259](#)

AD TIT. XIX.

De Rerum permutatione

AD num. 11. in fine adde. Quæres. Cur Capitulum sede vacante possit consentire in permutationem, Vicarius Generalis autem non? Resp. Quia Capitulum in omnem jurisdictionem succedit, Vicarius Generalis non habet omnem. 2. Quia adhuc adest hoc casu Episcopus, qui consentire possit, sede autem vacante non adest. Ergo.

AD TIT. XX.

De Feudis.

AD num. 3. in fine adde. An Praelatus feudum revertum ad Ecclesiam sine consensu Capituli reinfudare possit? Distingunt aliqui juxta naturam primæ infudationis. Respondeatur affirmatim. Quia c. 2. h. t. dicitur, quod liberè reinfudare possit Praelatus, id est, sine altero. Ergo. Vide Curt. Jun. fol. 93. Quæres, quando dicatur feudum plenè reversum? Resp. Quando Praelatus illud rursus incorporat rebus Ecclesiasticis. Alias sententias vide apud Curt. Jun. Tract. feud. fol. 115. & seqq.

AD TIT. XXI.

De Pignoribus & aliis Canticis.

AD num. 9. in fine adde. in cap. illo vos. 4. h. t. Hic casus est. Primus de

dit quasdam terras. 2. pro 23. libris aur. Secundus apposuit pactum, ut, si sibi displicerent hæ terræ, posset eas intra duos annos reddere, ita tamen ut fructus computaret, & priimus illos posset in pretio defalcare; Econtra autem pro 23. libris cogeretur dare 26. libras. sive 60. solidos ultra summam perceptam. Hinc deciditur esse hic Contractus potius pignoris, quia in pignore fructus imputantur in sortem, & usurarius, quia etiam alibi secundus exercere usuras conluevit.

AD TIT. XXIV.

De Donationibus.

AD num 9. in fin. adde. Requiritur acceptatio. l. 10 ff. h. t. Acceptatio autem vel ante, vel post donationem, vel ab ipso, vel ab alio ejus nomine fieri potest. Sic Princeps anticipato accep- tavit donationes Reipublicæ faciendas ff. de Pollicit. P. Kichl. disp. 12. §. 1. Quod verum si pollicitatio fiat ob honorem decretum, vel decernendum. d. t. l. t.

Obii. c. Si tibi absent. De Pra- bend. in 6. Responderet quod Papa anticipto acceptaverit designatorem personæ faciendam, ita ut Episcopo non sit liberum revocare, nisi persona consentiat. Ita P. Kichl. Vel dic id fieri, quod Clericos dedecet variatio & mutabilitas.

Requiritur acceptatio etiam iure naturæ. Quia omnis promissio supponit conditionem, si alteri sit gratum. 2. Quia alias qui inscius posset fieri

E 3 Domi-

Dominus totius mundi. Id. ibid. 3. In onerosa omnes admittunt, ergo etiam in gratuita.

Dices: Donatio à DEO facta, v.g. Creaturarum, facit hominem statim Dominum. ergo. Resp. DEUM suppleret acceptationem hominis. Et licet res sola voluntate admitti possit, non tamē acquiri, cùm facilius quid destratur, quām producatur. Sic nec in condonatione injuriae alter jus acquirit ante acceptationem. Hoc obserandum, quod jus alterius in me transferre possum sine consensu ejus, via scilicet factonis, non via contractus. Vid. eund. ibid. f.2.

Promissio autem obligat juxta voluntatem promittentis, vel ex fidelitate vel ex justitia, quo secundo casu transit in pactum. Habet autem fidelitas aliquid plus, quām veracitas; hæc autem tantum obligat, ut taliter sentiam, qualiter loquor; illa ut etiam faciam. ibid. f.4.

A D T I T. XXVI.

De Peculio Clericorum.

AD Num. 3. in fin. adde. Observandum quod divisio hæc in 4. partes per Simplicium Papā sit facta circa annum 470. circa tempora S. Aug. ex quo tempore unusquisq. cœpit habere dominium suæ portionis. Ante enim omnia in unum cumulum congregabātur, & Episcopus distribuebat singulis prout ratio exigebat, ob cuius forte minus rectam dispensationem, hæc distributio introducta. Ita Franc. De

Arauxo, Tract. 2. q. 19. n. 46. ex Soto. Unde & sententiam propugnat, quod ad restitutionem non teneantur. Ad dit n. 50. Rationem; quia fabricæ non tenetur, utpote cui distincta portio est separata. Sed neque pauperibus, quia eorum portio aut nuquam fuit apud Episcopos (quod dubitanter adstruit Sotus,) aut si aliquando fuit, ante dictam divisionem, vel etiam aliquanto tempore post, quod Authori verosi vilius apparet. Veruntamen jam ab illis fait abstracta & separata per S. dem Apostolicam in beneficiis praestitorialibus, quæ Sedes à mensa Episcopali separavit, & destinavit pro aliendis in studio pauperibus, nec non filiis Procerum, ad maiorem tum Ecclesiarum, tum Familiarum Nobilium splendorem &c. Item quod fecit Jus gentium per divisionem, ut esset meum & tuum, idem fecit quadripartita divisio.

Fachin. 5. cont. cap. 89. probat etiam ex cap. pervenit. De fidejuss. Basenb. lib. 4. cap. 2. dub. 3. ait probabilis in profanos usus posse expendi distributiones sive presentias, ut vocant, quæ beneficiariis ob presentiam in Choro distribuuntur.

Ad num. 9. in fine adde. Francisc. de Arauxo deßas. Ecclesi. q. 29. distinguit triplex in Religiosis peculium 1. Quando ita possidetur independenter à Superiore, ut à nullo sit revocabile. 2. Quando conceditur à Superiore ad certos usus, semper tamen revocabile est. 3. Si in genere concedatur ad usus licitos. Primum Religiosus in statu obedientie permanens habere non potest.

AD.